

Темир йўлда юк ташиш ва кўрсатилган хизматлар учун тўловлар ҳамда жарималар тўловини тўғри амалга ошириш тўғрисида

“05” 09 2022й

Самарканд шаҳар

“Ўзбекистон темир йўллари” АЖ номидан юк ташиш ҳужжатларини қайта ишлаш Самарканд технологик маркази бошлиғи Қудратуллаев С.Х., кейинчалик матинда ТехПД деб аталади, “Ўзбекистон темир йўллари” АЖ бошқаруви раисининг 2021 йил 4 январдаги 23-ЮР ишончномаси асосида, иккинчи томондан “Навоийуран” ДК транспорт бўйича директори Х.Т. Пирназаров 2022 йил 5 январдаги 01-02-01/02/8 ишончномаси асосида, кейинчалик матнда мижоз деб аталувчилар куйидагилар тўғрисида келишдилар.

**1. Келишув мазмуни.**

- 1.1. Мазкур келишув томонлар ўртасида юк ташиш билан боғлиқ бўлган темир йўлда юк ташиш хизмати, қўшимча хизмат, шу жумладан келишилган (договорной) тарифлар бўйича, ҳамда жарималар тўлови тартибини ўрнатади, лекин юк ташиш шартномаси деб ҳисобланмайди.
- 1.2. Ушбу келишув “railway.uz” сайтида рўйхатдан ўтиш йўли билан тузилади ва имзолаш учун электрон-рақамдан (ЕЦП) фойдаланилади.
- 1.3. Темир йўл транспортида юк ташиш шартномаси деб Ўзбекистон Республикаси Фуқаролик Кодексининг 711-моддаси, темир йўл Устави ва СМГС қоидалари билан белгиланган ҳужжат (транспорт юк хати, консамент ёки юкка доир бошқа ҳужжат) ни тузиш ва уни юк жўнатувчига топшириш йўли билан тасдиқланади.

**2. Хисоб-китоб тартиби**

- 2.1. Ўзбекистон Республикаси “Темир йўл тўғрисида”ги Қонуни, СМГС ва Ўзбекистон Республикаси темир йўл Уставидан келиб чиқадиган темир йўлда юк ташиш хизмати, қўшимча хизмат, шу жумладан келишилган (договорной) тарифлар бўйича тўловлар, ҳамда жарималар тўлови ҳисоб-китоби ва уни тўлаш учун мижозга тақдим этилиши Ўзбекистон Республикаси қонунчилигида белгиланган тартибда амалга оширилади.
- 2.2. Тўлов ҳақларини ҳисоблаш, тўловга тақдим этиш, юклаш ва тушириш пайтидаги амалдаги коэффицентларни қўллаш билан, белгиланган қўшимча қиймат солиғи миқдорини инобатга олган ҳолда темир йўл тарифи бўйича амалдаги №1 сонли Тариф йўриқномаси (прейскурант 10-01), «Ўзбекистон темир йўллари» Тариф Сийёсати асосида амалга оширилади.
- 2.3. Мижоз кўрсатиладиган темир йўл хизмати ва ташиш ҳақи тўловини олдиндан 100 % миқдорида амалга оширади. Агар кўрсатилган темир йўл хизматлари олдиндан тўланган пул миқдоридан бир мунча кўп бўлса Мижоз тўловнинг қолган қисмини қарздорлик юзага келган кундан бошлаб уч кун ичида тўлаб бериши лозим.
- 2.4. Мижоз томонидан амалга оширилган тўловлар тенг миқдорда пропорционал тартибда кўрсатилган темир йўл хизматлари (юк ташиш ва қўшимча хизмат учун тўловлар, шу жумладан келишилган (договорной) тариф), жарималар ва устама ҳақ (пеня) учун тақсимланади.
- 2.5. Мижоз ҳисобот ойи учун ҳисоб-фактураларни [faktura.uz](http://faktura.uz), [www.didox.uz](http://www.didox.uz) бошқа ҳужжатларни (лицевой счетлар, переченлар, вагонларни узатиш ва қайта йиғиштириб олиш ведомостлари (ведомости подачи и уборки вагонов) хар хил йиғимлар учун йиғма карточкалар (накопительня карточка для дополнительных сборов) ва бошқалар) таянч темир йўл бекатидан ёки ТехПДдан ишончнома асосида олади.
- 2.6. ТехПД орқали қилинган ҳисоб-китоб натижаларини солиштириш лозим бўлган хар бир ҳолатда, лекин хар чоракда бир маротабадан кам бўлмаган ҳолда амалга оширилади ва солиштира далолатнома тузилади.
- 2.7. Натижаларни солиштириш учун мижоз ТехПга ҳисобланган ва тўланган тўловларни тасдиқловчи ҳужжатларни (переченлар, лицевой счетлар, ҳисоб-фактура ва бошқалар) тақдим этади.

**3. Томонлар жавобгарлиги**

- 3.1. Ушбу келишув талабларини бажариш жараёнида томонларнинг ҳақ-хуқуқлари, моддий жавобгарликлари Ўзбекистон Республикаси “Хўжалик юритувчи субъектларнинг шартномавий- ҳуқуқий базаси тўғрисида”ги Қонуни, Ўзбекистон Республикаси «Темир йўл транспорти тўғрисида»ги Қонуни, Ўзбекистон Республикаси Фуқаролик Кодекси, Ўзбекистон Республикаси темир йўл Устави ва бошқа норматив ҳужжатлар асосида хал этилади.
- 3.2. Белгиланган тўлов суммасини мижоз томонидан ўз вақтида ҳисоб-китоб қилмасдан ўтказиб юборилганлиги натижасида пайдо бўлган муддати ўтган дебитор қарзнинг хар бир тўланмаган куни учун қонунда белгиланганидек 0,4 % ҳисобида, асосий қарздан 50 % миқдоридан ошмаган ҳолда пеня ҳисобланади. Пеня ҳисоблаш Ўзбекистон Республикаси “Хўжалик юритувчи субъектларнинг шартномавий- ҳуқуқий базаси” тўғрисидаги Қонунининг 25-32 моддаларига, ҳамда Ўзбекистон

4 200 000 000 сум

Республикаси Президентининг 1995 йил 12 майдаги №ПФ-1154 сонли “Халқ хўжалигида ҳисоб-китоблар ўз вақтида ўтказилиши учун корхона ва ташкилотлар раҳбарларининг масъулиятини ошириш борасидаги чора-тадбирлар тўғрисида”ги Фармониға мувофиқ амалға оширилади. Дебитор қарздорликни бартараф этиш ушбу келишувнинг 2.4. бандига асосан амалға оширилади.

3.3. Мижоз қаттиқ назоратдаги ташиш ҳужжатларининг йўқолгани ёки бузилгани учун “Ўзбекистон темир йўллари” АЖда белгиланган тартиб ва миқдорда моддий жабовгар бўлади.

3.4. Томонлар ўзаро Келишувда кўрсатилган барча маълумотларнинг ҳақиқийлигига ва тўғрилигига жаовбардир.

3.5. Мижоз темир йўлни корхонанинг мақоми, номи, банк реквизитлари ва бошқа ўзгаришлари ёки тугатилиши, қайта ташкил қилиниши тўғрисида Ўзбекистон Республикасининг амалдаги қонунлари асосида ва муддатларида хабардор этиши шарт.

3.6. Мижоз темир йўл томонидан кўрсатилган хизматлар учун амалға ошириладиган якуний ҳисоб-китобларни корхона тугатилгунича ёки тадбиркорларнинг руҳсатномаси ва бошқа ҳужжатларни амал қилиш муддати тугагунича тўлаши шарт.

3.7. Мижоз ҳисобидаги қолдиқ пул миқдори унинг “Ўзтемирйўлҳисоб” марказига йўллаган хатига кўра қайтарилади. Аризаға тегишли ТехПД билан имзоланган солиштирма далолатнома, ТехПДнинг пулни қайтариш тўрисидаги билдиргиси, ТехПДға ўтказилган сўнгги тўлов топшириқнома нусхаси илова қилинади. Қайтариладиган қолдиқ пул миқдори қайси юридик шахс томонидан ТехПДға тўланган бўлса, фақатгина шу юридик шахс корхона ҳисоб-рақамиға қайтарилади.

#### 4. Низоларни бартараф қилиш

4.1. Мазкур келишув ижросидан келиб чиқадиган низолар музокара йўли билан ҳалэтилмаган тақдирда Ўзбекистон Республикаси қонунчилиги ҳамда Ўзбекистон Республикаси темир йўл Уставида белгиланган тартибда ҳал этилади.

4.2. Мазкур келишув ижросидан келиб чиқадиган даъво аризалари тегишли ТехПДлар жойлашган ҳудуддаги Иқтисодий судларда кўриб чиқилади.

#### 5. Бошқа шартлар

5.1. Ўзаро келишув иккала тараф учун 2 нусхада тузилиб, ҳар бири тенг юридик кучға эгадир.

5.2. Мазкур Келишув 2022 йилнинг 31 декабрь қунини ҳисобға олган ҳолда амал қилади. Агар тарафлардан бири ёзма равишда келишувни бекор қилиш мақсадида мурожаат этмаса, келишув келаси йилға узайтирилган деб ҳисобланади. Шу билан бирға бажарилмай қолган мажбуриятлар, қолдиқ пул маблағи, ушбу келишув асосидаги тугалланмаган ўзаро ҳисоб-китоблар келгуси йилға ўтказилади.

5.3. Келишувни бекор қилиш тарафлардан бирининг ёзма талабига асосан дебитор ва кредиторлик қарздорликлари бўламагн ҳолда, бекор қилиниши мўлжалланган муддатдан камида 30 кун аввал иккинчи томонни огоҳлантириш йўли билан амалға оширилади.

#### 6. Томонлар юридик манзил ва банк маълумотлари

“Мижоз” “Навойуран” Давлат корхонаси	“ТехПД” “Самарканд” ТехПД АЖ “УТЙ”
Навой вилоят Навой шаҳар Инспекторлар Кўчаси 7 уй Банк: ТИФ Уз миллий банк Навой вилояти филиали Ҳ/Р: 2021 0000 9003 0562 3001 МФО: 00196 ИНН: 201204514 ОКЭД: 07210 ҚҚС тўловчисининг қайд этиш рақами: 3120 1003 1235	ОКПО: 01060292 ОКЭД: 49200 Код.ми-ва 30 Банк номи Сам.НБ ВЭД РУзб. Самарканд. ш. МФО: 00278 ИНН: 201 051 951 х/р: 2021 0000 2006 0031 5272 Манзил 140102 Самарканд ш. Рудакий куч.3 Телефон рақам 8 366 229-32-25, ж/д. 24-625 E-mail: tehpd.sam@mail.ru



Х.Т. Пирназаров



С.Х. Қудратуллаев

Мурқадерв 3.10.22  
17.01.22